

## Central Pieces ta preparando pa lansa video nobo



**ORANJESTAD-** E grupo di Hip Hop local Central Pieces integra pa Ashwin Brown y Ephrayim Odor ta preparando pa lansa video nobo. Segun Brown nan a colabora cu dos artista cu ta haci tatuaje na Venezuela esta Pools Silva y Kake Ocanto. Nan a yena graffiti riba un muraya na un localidad na Noord pa esaki sirbi como background pa nan video nobo.

Segun Odor e muraya aki lo sirbi ta parti di Brown su promocion pa un album completamente di House music cu nan a traha riba dje.

Bon Dia Aruba a publica riba dia 30 di juli. Central Pieces den e entrevista cu Bon Dia Aruba a bisa cu nan no tabata interesa den trece 'Old school Hip hop' bek pero mas bien kier gen-

era algo completamente nobo. Brown a conta cu e la cuminsa bek na 2004 y sr. Odor ta conta cu e la cuminsa rap tempo e tabata tin 13 aña pero e tempo ey no a tum'e na serio. Despues el a cuminsa bay diferente 'talent shows'. Ora e tabata tin 16 aña el a participa na 'sparkling tour'. Despues di 'sparkling tour' el a cuminsa spaar pa e cumpra su mesun ekipo nan di zonido pa e graba na su cas y rond di 2007 el a uni cu sr. Brown. Segun

Odor, nan a conoce otro for di tempo di scol.

"Di un momento pa otro algo cu nos tabata haci pa pret a bira algo serio. Pero nos a cuminsa ripara cu nos por a haci cosnan cu no ta tur artista local por a haci, manera nos articulacion di Ingles y Hulandes tabata pone nos riba un nivel caminda tin oportunidad pa bira algo internacional." Odor a bisa durante e entrevista. □

